



LAPORAN LIPUTAN MEDIA HARIAN
KHAMIS 23 MEI 2024

BIL	TAJUK KERATAN AKHBAR	KEMENTERIAN / JABATAN / AGENSI
1. 2. 3.	BERAS BERNILAI RM2.1 JUTA DIRAMPAS, NEGARA, KOSMO -6 MOHAMAD SABU WAKILI MALAYSIA KE PENGEBUMIHAN PRESIDEN IRAN, NASIONAL, BERITA HARIAN -5 RM2.1M OF SUBSIDISED RICE SEIZED, NATIONAL, THE SUN -5	KEMENTERIAN PERTANIAN DAN KETERJAMINAN MAKANAN (KPKM)
4.	MAQIS TAHAN ANJING BAKA POMERANIAN TIADA PERMIT IMPORT, LOKAL, HARIAN METRO -4	JABATAN PERKHIDMATAN KUARANTIN DAN PEMERIKSAAN MALAYSIA (MAQIS)
5.	847 KOTAK AYAM SEJUK BEKU DIRAMPAS, LOKAL, HARIAN METRO -12	LAIN-LAIN

UKK KPKM

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN KPKM, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
23/5/2024	KOSMO	NEGARA	6



ANTARA beras yang dirampas dalam satu serbuan di Sibul baru-baru ini. — IHSAN KPKM

Penguat kuasa serbu premis tidak berlesen di Sibul

Beras bernilai RM2.1 juta dirampas

Oleh RIDZAUDDIN ROSLAN

PUTRAJAYA — Sejumlah 645.75 tan metrik beras pelbagai gred termasuk beras putih import (BPI) yang dianggarkan bernilai RM2.1 juta dirampas di sebuah gudang di Sibul, Sarawak baru-baru ini.

Rampasan itu dibuat menerusi serbuan sepasukan penguat kuasa Kawalselia Padi dan Beras (KPB) di bawah Kementerian Pertanian dan Keterjaminan Makanan (KPKM) melalui operasi bersepadu Op Taring Bravo 3 bermula 15 Mei lalu.

Menurut KPKM, serbuan turut dilakukan bersama Polis Diraja Malaysia (PDRM) dan Agensi Pintu Masuk dan Sempadan Malaysia (MCBA) selama dua hari di

sekitar daerah itu.

"Hasil pemeriksaan mendapati premis perniagaan berkenaan tidak mempunyai lesen di bawah Akta Kawalan Padi dan Beras 1994 (Akta 522).

"KPB menyita stok beras tersebut berserta dokumen-dokumen yang berkaitan bagi siasatan lanjut di bawah Akta 522 dan Peraturan-Peraturan Kawalan Padi dan Beras (Pelesenan Pemborong dan Peruncit) 1996 P.U (A) 624," katanya dalam kenyataan di sini semalam.

KPKM berkata, siasatan turut dijalankan terhadap syarikat tersebut sama ada terlibat dalam aktiviti penyelewengan barang kawalan bersubsidi iaitu BPI.

"Tindakan menyeleweng barang bersubsidi adalah tindakan

tidak bertanggungjawab yang membawa kerugian kepada negara dan mengakibatkan rakyat tidak dapat membeli barangan berkenaan.

"KPB sentiasa berkolaborasi dengan agensi penguatkuasaan negara dalam mempergiatkan aktiviti penguatkuasaan bagi mengekang pihak yang cuba menyeleweng BPI di Sabah dan Sarawak termasuk cubaan membawa keluar beras tersebut dari sempadan negara," katanya.

Pada masa sama, KPB memberi peringatan kepada semua pemegang lesen supaya mematuhi perundangan di bawah Akta 522 dan peraturan-peraturan di bawahnya dan tindakan tegas akan diambil sekiranya mereka gagal mematuhi.

TARIKH	MAKLAJ	RUANGAN	MUKA SURAT
23/5/2024	BERITA HARIAN	NASIONAL	5

Mohamad Sabu wakil Malaysia ke pengebumian Presiden Iran

Kuala Lumpur: Menteri Pertanian dan Keterjaminan Makanan, Datuk Seri Mohamad Sabu akan mewakili Malaysia untuk majlis pengebumian Presiden Iran, Ebrahim Raisi.

Perkara itu dinyatakan Perdana Menteri Datuk Seri Anwar Ibrahim, ketika beliau menghubungi Presiden Interim republik Islam itu Mohammad Mokheer, kelmarin.

Anwar turut merakamkan ucapan takziah kepada pemimpin itu di atas pemergian Almarhum Raisi dan Menteri Luar Hossein Amir-Abdollahian, serta delegasi yang maut dalam nahas helikopter.

"Saya memaklumkan Malaysia akan menghantar seorang menteri kanan (Mohamad Sabu) ke Iran menghadiri majlis pengebumian Almarhum Presiden Raisi.

"Saya juga sempat mengimbau pertemuan sebanyak dua kali dengan Almarhum Presiden Ebrahim Raisi dan Hossein Amir-Abdollahian pada tahun lepas di New York serta Riyadh dan saya telah memberi jaminan kepada Mokheer, Malaysia akan meneruskan komitmen yang dibuat kepada Iran di bawah kepemimpinan Almarhum Presiden sebelum ini," katanya menerusi media sosial.

Pada Ahad lalu, helikopter yang membawa Ebrahim Raisi dan Hossein Amir-Abdollahian dan beberapa individu lain, terhempas di kawasan Varzaqan ketika dalam penerbangan pulang daripada perasmian empangan di sempadan Iran dan Azerbaijan.

BERNAMA

TARIKH	MAKLAH	RUANGAN	MUKA SURAT
23/5/2024	THE SUN	NATIONAL	5

RM2.1m of subsidised rice seized

PUTRAJAYA: The Agriculture and Food Security Ministry Rice and Padi Regulatory Division has seized 645.75 tonnes of subsidised rice worth RM2.1 million through Op Taring Bravo 3 at a warehouse in Sibul, Sarawak.

The operation was carried out in cooperation with police and the Malaysian Checkpoints and Border Agency on May 15 and 16.

The ministry said several grades of rice, including the imported white variety, were seized at the warehouse, which was not

issued with a licence under the Control of Padi and Rice Act 1994 (Act 522).

"The division has seized the rice and related documents for further investigation under Act 522 and the Control of Padi and Rice (Licensing of Wholesalers and Retailers) Regulations 1996."

The government has agreed to provide a subsidy of RM950 per tonne of imported white rice starting from Oct 5 in Sabah, Sarawak and Labuan to enable rice to be obtained at a retail price of RM31 per 10kg.

The ministry said misusing subsidised goods is an irresponsible act that causes losses to the country.

"The division constantly collaborates with enforcement agencies to curb those who try to misuse imported white rice in Sabah and Sarawak, including attempts to take the rice out of the country."

Complaints or information can be channelled through the division's complaint portal at <https://skpb.kpkm.gov.my/adu> or head office in Putrajaya at 03-8870 1751/1748/1183. – Bernama

TARIKH	MEDIA	RUANGAN	MUKA SURAT
23/5/2024	HARIAN METRO	LOKAL	4



ANJING yang cuba dibawa masuk oleh pasangan warga Iran yang menaiki penerbangan dari Turkiye.

Maqis tahan anjing baka Pomeranian tiada permit import

Sepang: Jabatan Perkhidmatan Kuarantin dan Pemeriksaan Malaysia (Maqis) menahan seekor anjing baka Pomeranian di Lapangan Terbang Antarabangsa Kuala Lumpur (KLIA) kerana tidak mempunyai permit import yang sah, pada Isnin lepas.

Pengarah Maqis Selangor Mohd Sobri Md Hashim berkata, anjing berkenaan cuba dibawa masuk oleh satu pasangan warga Iran yang menaiki penerbangan dari Turkiye.

"Kemasukan seekor anjing baka Pomeranian

itu dikesan dua pegawai penguat kuasa Maqis sekitar 6.30 petang di Pejabat MAQIS Terminal 1, KLIA," katanya.

Mohd Sobri berkata, kes berikut disiasat di bawah Seksyen 11 (1) Akta Perkhidmatan Kuarantin dan Pemeriksaan Malaysia 2011 [Akta 728] yang boleh dihukum di bawah Seksyen 11(3), akta sama.

Jika disabit kesalahan boleh didenda tidak melebihi RM100,000 atau dipenjara selama tempoh tidak melebihi enam tahun atau kedua-duanya, katanya.

TARIKH	MEDIA	RUANGAN	MUKA SURAT
23/5/2024	HARIAN METRO	LOKAL	12

DISYAKI LANGGAR TAKRIF HALAL

847 kotak ayam sejuk beku dirampas

Kota Kinabalu: Sebanyak 847 kotak ayam sejuk beku bernilai RM121,968 dirampas selepas disyaki terbabit dengan pengingkaran takrifan halal.

Rampasan itu dilakukan Pasukan Gerakan Am (PGA) dengan kerjasama Jabatan Perkhidmatan Veterinar Sabah dalam serbuan di sebuah stor penyimpanan di Jalan Burung Keleto, Inanam di sini, kelmarin.

Kesemua ayam sejuk beku berkenaan mempunyai logo halal namun didapati disimpan dalam kontena bersama bekalan daging khinzir.

Pengarah Kementerian Perdagangan Dalam Negeri dan Kos Sara Hidup (KPDN) Sabah Georgie Abas berkata, semua rampasan berkenaan diterima daripada PGA untuk siasatan lanjut.

Menurutnya, jumlah keseluruhan rampasan dianggarkan bernilai RM151,968 termasuk kontena sejuk beku berkenaan.

"Seorang lelaki tempatan yang juga pemilik premis yang ditemui di tempat kejadian sudah diambil keterangan bagi tujuan membantu siasatan.

"Sementara daging khinzir pula disita oleh pi-

hak Jabatan Perkhidmatan Veterinar Sabah untuk tindakan lanjut," katanya dalam kenyataan media, semalam.

Georgie berkata, kes terbabit akan disiasat mengikut Perintah 3 (1) (g) Perintah Perihal Dagangan (Takrif Halal) 2011 iaitu menyimpan barang yang diperihalkan sebagai halal dengan barang yang tidak diperihalkan sebagai halal berdekatan di satu tempat simpanan yang sama.

Katanya, mengikut Perintah Perihal Dagangan (Takrif Halal) 2011, pesalah membabitkan pertubuhan perbadanan boleh didenda tidak melebihi RM5 juta dan tidak melebihi RM10 juta bagi kesalahan kedua.

"Bagi orang perseorangan, boleh didenda tidak melebihi RM1 juta atau dipenjarakan selama tempoh tidak melebihi tiga tahun atau kedua-duanya.

"Bagi kesalahan yang kedua atau yang berikutnya, pesalah boleh didenda tidak melebihi RM5 juta atau dipenjarakan selama tempoh tidak melebihi lima tahun atau kedua-duanya," katanya.

Sehubungan itu, Georgie berkata, orang ramai yang mempunyai maklumat berkenaan aktiviti salah la-

ku dan tidak beretika peniaga berhubung penggunaan logo halal boleh disalurkan kepada pihak KPDN untuk tindakan selanjutnya.

Katanya, sebarang maklumat boleh disalurkan melalui aplikasi WhatsApp

ditalian 019-848 8000 atau menerusi Portal e-Aduan KPDN iaitu <http://eaduan.kpdn.gov.my>.

"Maklumat turut boleh disalurkan menerusi talian Call Centre 1-800-886-800 atau aplikasi telefon pintar, Ez ADU KPDN," katanya.



PASUKAN operasi memeriksa sebuah stor penyimpanan di Inanam selepas disyaki melanggar takrifan halal.